

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之四百四十九

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣寶楨總裁官經筵講官吏部尚書鎮江蘇漢軍都統管理新營房城內官房大臣稽察內

七倉大臣稽察會同四庫館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

內務府大臣鎮向旗滿洲都統稽察內七倉大臣管理宗人府銀庫左翼的官學監壽宮圓明園等處繕建營御茶膳房御藥房太

醫院造辦處事務隨帶加八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

敕修

道光二十七年丁未十一月丁丑朔諭內閣

前據御史毛鴻賓奏。山東藩司疏於約束庫款。恐不可問等語。當交柏後陳孚恩嚴密查訪。茲據柏後等訪查具奏。所有山東藩庫實存現銀覈計封貯。及正雜各款。是否相符。並收發例借抵撥各名目。著山東巡撫迅取具藩司衙門清冊。奏交戶部確切查覈。有無虧短。據實覆奏。至該藩司王篤家丁王瑞接辦該署中事務。難保不遇事招搖不安。本分據大訊稱因病回京。著步軍統領衙門按照住址

將該家丁王瑞拏獲送交刑部審辦。山東藩庫大使劉繼瑞雖訊據供稱並未干預公事。惟該員職司藩庫啓閉。恐尚有應訊之處。劉繼瑞著即撤任。交該撫派委看管。俟戶部覈明具奏後。再由該撫定擬辦理。另片奏查出該藩司幕友王壬熙違例充幕等語。山東候補運庫大使王壬熙以分發本省官員。不知避嫌。久居藩幕。難保無招搖情事。王壬熙著即革職。亦交該撫派委看管。統俟戶部覆奏。

後再行查明覈辦○以成都駐防軍政年逾六十官四員精力未衰命留任○貸綏遠城右衛官兵修理衙署兵房俸餉銀○戊寅上詣綺春園問

皇太后安○御乾清門聽政○諭內閣李星沅奏請將巡洋不力之總兵革任留緝一摺江南蘇松鎮總兵林明瑞於海洋劫掠多案既不能先事豫防迨經降項革留仍復不知愧奮以致舊案既多未獲新案又復頻仍輒敢

稱疾回署。並不竭力督拏。當此捕務喫緊之時。即革任留緝。亦不足以資驅策。林明瑞著即行革任。飭令回籍。○命山東布政使王篤來京。以湖南按察使徐澤醇為山東布政使。調湖北按察使程煥采為湖南按察使。以服闋按察使常大淳為湖北按察使。○以福建閩安協副將沈河清為江南蘇松鎮總兵官。○以河南駐防軍政年逾六十官二員精力未衰。命留任。○緩徵兩淮富安、安豐、梁垛、東

臺。何塚。丁溪。草堰。劉莊。伍佑。新興。廟灣。十一
場被旱。被水。竈戶舊欠額課。○蠲緩河南祥
符。陳留尉氏。洧川。中牟。蘭儀。滎陽。滎澤。汜水。
禹密。新鄭。鄭汲。新鄉。獲嘉。淇延。津封。邱考。城。
滑。輝。濬。修武。原武。陽武。濟源。武陟。溫。洛陽。偃
師。鞏。孟。津。登封。臨漳。安陽。湯陰。汝長。葛武。安。
內黃。孟。河內。杞。許。鄆陵。商邱。寧陵。永城。鹿邑。
虞城。夏邑。睢。柘。城。林。涉。宜陽。嵩。淮寧。西華。太
康。扶溝。鄆城。息。六十四州縣被旱。村莊新舊。

正雜額賦有差。○己卯諭內閣。現在

如皇貴妃患恙。尚未痊愈。惠親王綿愉著留

圓明園侍奉。俟除夕入城。至初二日食肉。後

即行回園。所有該管一切差使。免其到班。○

又諭。前據裕誠等奏。體察蒙古情形。酌定查

旗年分一摺。當交該部議奏。茲據理藩院會

同兵部覈議。所請嗣後每屆考驗軍政之年。

該都統副都統輪流輕騎減從出口。考覈查

驗一切。此外年分。責成該總管認真經理。切

實具報。毋庸另行隔年往查。以示體恤。其出口查驗時。並著各旗兵丁全數調赴兩翼齊集處所。逐一校閱。分別獎黜。蒙古官兵騎射。本其所長。惟各項技藝。亦須嫻熟。該都統務飭各該總管隨時認真操演。勿致有名無實。如有年老平常。技藝生疏。軍器未能完整等情。即著據實嚴叅懲處。以肅旗務。其軍臺官兵駝馬。亦於該都統等每屆考驗。官員軍政之便。認真抽查。毋任草率。○又諭文慶等奏

叅辦理賑務造冊朦混並辦賑未能妥協之
知縣請先行分別嚴議議處一摺河南榮澤
縣知縣張沂於災賑重務假手吏胥致城內
住戶混入村莊丁冊且該縣戶書有授意地
保造冊弊混之事該員毫無覺察實屬玩視
賑務著先行交部嚴加議處如查有知情故
縱情弊即行嚴叅提究汜水縣知縣謝益並
不查照章程按戶給票驗票給銀輒將銀票
並放以致錯雜不清雖據查明尚無弊竇辦

理究未妥協。著交部議處。○又諭布彥泰奏
軍務歲功請裁撤軍需局。並請量撥現存銀
兩分貯各城一摺。現在大兵克捷。軍務告竣。
肅州軍需局著即行裁撤。委員人等概令回
省。其收支軍餉事宜著責成署安肅道慶端
覈實造報歸併省局辦理。所有現存肅州軍
需局銀二十八萬兩著分解伊犁烏魯木齊
阿克蘇葉爾羌等處。由該將軍都統大臣等
撙節撥用。儻有贏餘即各奏明封貯以備要

需○諭軍機大臣等。本日據文慶張澧中奏
遵查商虞通判署中實有被劫官銀衣物一
案。請飭查拏。又據崇恩奏。拏獲行劫商虞廳
署匪犯。究出首夥各犯籍隸江豫兩省。飛咨
飭緝各等語。此案前據鄂順安奏稱。商虞廳
衙署於本年九月初一日夜被盜。匪多人從
北岸渡河。執器入署。行劫官銀衣物。盜匪均
係山東口音。估贓值銀六千三百餘兩等情。
茲據文慶等訪查情形。亦屬相符。惟現據崇

恩奏稱截獲此案匪犯邵知文。訊據供係河
澤縣人。投入河南夏邑縣。擒首張三胖。擒內
張三胖一捻。共有六七十人。多係河南夏邑
縣人。亦有江南碭山縣人。已將各逸犯姓名
籍貫開單。飛咨河南江蘇一體飭拏等語。擒
匪籍隸何省。如何糾結。必應訊取確供。方可
按名按捕。著柏後。陳孚恩。於審辦兗州一帶
劫案完竣後。仍折回濟南。提齊現獲行劫商
虞廳之邵知文一犯。及續獲各犯。研究夥黨。

若干詳開姓名籍貫。一面飛咨各該省盡數
按拏。一面據實奏聞。其邵知文一犯著崇恩
先行飭令嚴禁。聽候提究。仍飭嚴拏逸犯務
獲。此外尚有籍隸江豫各逸犯已據崇恩開
單咨會嚴拏。並著李星沅鄂順安遴委妥幹
員弁查照單開各逸犯姓名逐一按查務期
按名弋獲。迅即解往山東省城交柏後等歸
案審辦。毋許一名漏網。將此各諭令知之。○
又諭寄諭伊犁烏魯木齊阿克蘇葉爾羌各

宣宗成皇帝實錄 卷四十一
將軍都統大臣。本日據布彥泰奏。軍務歲功。請量撥軍需局銀兩。分解各城一摺。現在軍務雖竣。而留駐重兵。供支需費。且凱撤各兵。經過之處。亦須支應一切。已有旨飭該督將現存軍需局銀二十八萬兩。如數分撥伊犁。烏魯木齊。阿克蘇。葉爾羌。各城收貯。該將軍都統大臣等接收此項銀兩。務宜撙節撥用。事竣覈實造冊報銷。儻有贏餘。著即奏明封貯備用。切不可稍事浮冒。致滋糜費。將此各

諭令知之。○又諭前據陸費瑑奏。湖南新寧縣。與廣西全州交界地方。猺匪糾黨搶掠。抗拒兵民。復經鄭祖琛奏。委臬司馮德馨前往督辦。並咨行提督馬殿甲。調派官兵協同勦捕。茲據王宗貴奏。派兵馳赴新寧堵勦。並探得該匪雷再浩等屯住梅溪口灣底一帶。經該鎮道率領官兵役勇分途合力進勦等語。此次猺匪結會滋擾。界連兩省。據該提督奏稱。該地方文武先已生擒李學林等三十餘

名。格斃匪徒不少。並將雷再浩之妻藍氏拏獲。其粵省匪徒李世得等。亦經官兵殲擒。該匪雷再浩等形勢已孤。自應迅速堵拏。撲滅淨盡。著該提督嚴飭將弁。不分畛域。上緊兜拏。務期全數弋獲。不留餘孽。儻未能即時擒捕淨絕。該提督即親往督勦。以期剋日歲功。將此諭令知之。○又諭。本日據崇恩奏。查明曹州府屬與直隸接壤各州縣境內。並無計謀山。即雞鳴山之名。惟天下郡國利病書載。